

1595.

1308 d. 17 Aug.

Wisingsö.

Hertigarne ERIKS och WALDEMARS gåfvobref på Aranäs till Nunnorna i Gudhem, för att dit förflytta sitt kloster.

A. 3. å.

Omnibus presentes litteras Insuper, ERICUS et WALDEMARUS dei gracia duces sweorum salutem in domino sempiternam, Cum progenitorum nostrorum facta magnifica nos inducant sumopere hijs intendere et inuigilare de quibus honor regis, qui nos reget in secula accumulatur, et veneratio sanctorum eius accrescit, et vnde deuocio prouenit fidelibus in presenti, et in futuro remedium animabus et salus generatur eterna, Nos vt ipse qui in sanctis suis gloriosus et mirabilis est, eo feruencius, deuocius, et laudabilius glorificetur, et populus ei seruiens numero et merito augeatur, ob sinceram et piam affectionem quam ad religiosas personas, Dominam abbatissam et conuentum in gudhem habemus, damus et presentis littere patrocinio conferimus Jpsi domine abbatisse in gudhem et conuentui ibidem, pro monasterio construendo, Curiam nostram, aranes, cum omnibus dicte curie pertinencijs, videlicet. domibus, agris, pratis, pascuis, siluis, molendinis, molendinorum locis, ac ceteris dicte curie pertinencijs. intra sepes et extra, longe uel prope positis, pleno Jure perpetuo possidenda, In ipsam dominam abbatissam et conuentum ibidem. plenum proprietatis jus et possessionis dominium transferentes, ablata nobis, nostris que heredibus, predictam donacionem villo vmquam adinuencionis ingenio reuocandi, dummodo in dictum locum, monasterium suum, transferre, et ipsum corporali earum residencia occupare voluerint, infra annum .a. festo beati michaelis iam proximo computandum, In cujus Rei testimonium, et euidentiam firmiorem sigilla nostra. vna cum sigillis aliorum de consilio nostro presentibus sunt appensa. Datum visingsø anno domini M° CCC° VIII°. In octaua beati Laurencij.

Sigillen skadade.

1596.

1308 d. 17 Aug.

Wisingsö.

Hertigarne ERIKS och WALDEMARS Bref om deras gåfva af Aranäs gård till Nunnorna i Gudhem, för att der på ett lägligare ställe kunna uppföra sin klosterbyggnad, med anmaning till dem, som på klostrets förra ställe hade sina anhöriga begrafne, att till dessas flyttning gifva sitt bifall och till verkställigheten lemna välvilligt biträde.

A. 3. å.

ERICUS et WALDEMARUS dei gracia duces sweorum, Omnibus presentes litteras Insuper Salutem in domino sempiternam. Cum iuxta sentenciam

sapientis, oportet nos diem messionis extreme operibus misericordie preuenire, ac eternorum intuitu seminare in terris quod reddente domino cum multiplicato fructu recolligere debeamus in celis, Cum igitur Religiosarum dominarum abbatisse et conuentus in gudhem, monasterij circumstancias. et loci condiciones intenta consideraremus diligencia, perpendimus quod dicte domine ratione loci, multis beneficijs caruerunt, que faciliiori modo acquirerent si monasterium earum translatum foret ubi aquarum beneficijs inniti possent et iuuari, Quo circa nos earum defectum per nostre inposicionis auxilium succurrere cupientes, ipsi domine abbatisse et conuentui eius. Curiam nostram aranes, cum omnibus et singulis dicte curie pertinencijs, pro loco. et fundo monasterij, contulimus pleno iure perpetuo possidendam, Quare omnes et singulos qui parentes, propinquos, seu cognatos penes ipsas dominas in gudhem sepultos habuerint, instanter requirimus et Rogamus. Quatinus consensum eorum et beniuolenciam, immo specialiter ad hoc laborare et cooperari velint ipsorum auxilijs oportunis, preciumstrarum intuitu et amore, vt dicte domine in gudhem monasterium earum cum corporibus ibidem sepultis in aranes transferre possint. gracia monasterij ibidem construendi. Datum visingsø anno domini M°. CCC°. VIII°. In octaua beati Laurencij.

Sigillen, N:o 1 mycket skadadt, N:o 2 nästan fullständigt, på remsor klippta ur brefvet.

1597.

1308 d. 24 Aug.

Skärkind.

Hertigarne ERIKS och WALDEMARs skyddsbref för Linköpings Domkyrka på alla dess erhållne fri- och rättigheter.

B. 3: 4. v.

ERICUS et WALDEMARUS dei gracia duces sweorum omnibus dyocesin lincopensem inhabitantibus in domino gratiam dileccionem et salutem. Licet ad huius regni omnes ecclesias zelum deuocionis teneamur habere maxime tamen ad ecclesiam lincopensem quam Progenitores nostri specialiter sibi titulo vendicarunt Nos igitur ipsorum vestigijs inherere volentes predictam ecclesiam quo ad omnia jura ecclesiastica et episcopalia quocunque nomine censeantur ea que temporibus venerabilium patrum dominorum henrici et benedicti episcoporum ibidem felicis memorie prefata gaudebat ecclesia gaudere per omnia volumus libertate. Non obstantibus statutis quibuscunque editis uel contra libertates ecclesiasticas promulgatis. Prohibemus firmiter et districte ne quis prefatam ecclesiam in premissis iuribus uel in aliquo premissorum presumat uel audeat turbare offendere seu aliquo modo molestare sicuti vlacionem nostram strictam effugere uelit et vindictam Datum skierkind. Anno domini M CCC, VIII die beati bartholomei apostoli.